

بِسْمِ اللَّهِ الرَّحْمَنِ الرَّحِيمِ

Khutba Jummah

HAZRAT MUHYI-UD-DIN AL-KHALIFATULLAH

Munir Ahmad Azim

11 Mars 2016 ~
(01 Jamad'ul Aakhir 1437 Hijri)

(Résumé Khutba)

Après ki li fine salué tous so bane disciples (et tous bane musulmans) entier le monde avec la salutation de paix dans l'Islam, Hazrat Muhyi-ud-Din (atba) fine lire Tashahhud, Ta'uz, Surah Al Fatiha, et li fine ensuite axé so Khutba Jummah lors « La Guerre, ziska ki point?... Ziska Perdi Point ? »:

LA GUERRE, ZISKA KI POINT?

L'Islam interdit l'agression, mais ordonne nous pou combattre si bane limites de la décence et de la liberté de conscience dépassé et ki la vérité et la paix trouve zot en danger. Dans ce cas, ene musulman li appelé à combattre et faudé pas li reculer devant le combat afin pou protége la religion ki fine agréée par Allah, c'est-à-dire, l'Islam ainsi ki bane musulmans. C'est sa l'enseignement kot c'est lors sa baze là même ki le Saint Prophète (saws) fine établir so propre ligne de conduite. Li fine continué souffère à Makkah, et pas fine combattre l'agression kot li ti ene victime innocent de tout sa là. Même après ki li fine quitte Makkah pour Madina, l'ennemi fine poursuivre li pou fini l'Islam; alors (le prophète et bane musulmans) ti trouve zot dans bane telle situations kot zot ti bizin la guerre pour la vérité et la liberté de conscience, mais sa bane combats ki fine ena là, ti bane la guerres ki fine ordonné par Allah, surtout lors baze de légitime défense et pour préserve l'adoration d'Allah et So bane serviteurs ou suivants sincères.

« Permission la guerre fine donné à bane ki dimounes attaque zot parski zot fine subir ene tort. Allah ena tout capacité pou aide zot. (Permission la guerre fine donné aussi à) bane ki dimounes fine repousse zot depuis zot la caze, sans aucaine raison, simplement parski zot dire : 'Nous Maître c'est Allah'. Si Allah pas ti faire ene partie dimounes résister l'autre partie, ti pou surement ena destruction bane couvent, l'église (chrétiens), temple (Juifs) et mosquées, bane l'endroits kot nom Allah mentionné beaucoup. Allah surement aide celui ki aide Li. Allah ena beaucoup la force et grandeur. Sa bane là même ki, si Nous donne zot

pouvoir lors la terre, faire zot la prière régulièrement, donne Zakaat (taxe obligatoire), ordonne le bien et empêche le mal. Mais c'est Allah ki prend dernier décision dans tout zaffaire. » (Al-Hajj 22: 40-42)

Sa verset là oulé dire ki l'autorisation pou combattre fine accordé à bane victimes de l'agression. Allah en vérité aide bane victimes, c'est-à-dire, bane ki fine expulsé de zot la caze à cause de zot croyances. Sa l'autorisation li sage parski, si Allah pas ti repousse bane ki sans lécoeur afin pou aide bane justes (ki dans le droit chemin, ki ena raison), alors pas ti pou ena la liberté de conscience et l'adoration d'Allah dans le monde. Allah bizin aide bane ki aidé pou établir le culte (la prière, l'adoration d'Allah) et la liberté. Nous bizin compran aussi ki la guerre fine permette lors ene peuple ki fine souffert longtemps d'ene agression délibéré (par exprès) – c'est-à-dire, quand so agresseur pas fine ena aucaine raison pou attaquer et ki li fine rode mette so boute néné dans la religion de so victime. Le devoir de sa victime là, si li réussi accède au pouvoir, c'est pou rétablir la liberté religieuse et pou protège tous bane religions et bane lieu saints. Alors, sa pouvoir ki li fine gagner là, faudé pas li servi li pou faire so propre glorification, mais li bizin servi li au bien-être de bane pauvres, au progrès du pays et à la consolidation de la paix. Sa l'enseignement là li clair et précis. En plusse de sa, sa verset là proclame le fait ki bane premiers musulmans ti ena recours à la guerre **parski zot fine obligé faire li**. Mais au cas contraire, bane la guerres d'agression ti interdit par l'Islam. Le pouvoir politique fine promette à bane musulmans, mais zot fine aussi gagne sa avertissement là ki faudé pas zot servi sa pouvoir là pour zot propre profit, mais zot bizin servi sa pour améliore le sort de bane pauvres et promouvoir la paix et le progrès.

« Combatte dans chemin Allah bane dimounes ki combatte ou, mais pas dépasse limites, parski Allah pas content bane ki dépasse limite. Touye zot kot ou trouve zot, et repousse zot de l'endroit kot fine repousse ou. Révolte plus mauvais ki touyé. Mais pas la guerre contre zot dans Mosquée Sacrée (Haram Shareef), à moins ki sa bane là attaque ou là-dans. Si zot combatte ou, touye zot. Sa, c'est récompense pou bane ki rejette la vérité. Mais si zot arrêter – alors Allah accorde zot So pardon et So grâce. Combatte zot ziska séki tout révolte fini et tout accepter religion Allah. Mais si zot arrêter, considère comme l'ennemi seulement bane ki contigné faire du tort. » (Al-Baqara 2: 191-194)

Allah donne bane précisions lors bane combats dans So chemin. Li fine ordonne le combat dans situation bien critique de bane musulmans. De ce fait, dans bane situations kot bane musulmans trouve zot bafoué, persécuté et victimes de bane assassina à cause de zot la foi, à ce moment là Allah (twa) dire ki nous capave combatte pour l'amour d'Allah, et non pas pour nous-même. Et surtout pas sous l'effet de la colère ou par besoin de grandeur. Et dans tous les cas, le combat faudé pas dépasse bane limites, parski Allah détester bane ki dépasse limite. Le combat bizin ena lieu entre bane groupes; bane attaques contre bane individus fine interdit. L'agression contre ene religion bizin rejeté, parski si ene telle agression alle commette, alors sa pou pli pire ki verse di sang.

Bane musulmans faudé pas la guerre près de Ka'aba Shareef (la Maison Sacrée), excepter si l'ennemi fine attaque nous en premier là-bas. Le fait pou combattre près de Haraam Shareef li en li-même ene atteinte au droit de tous dimounes pou faire le Hajj (pèlerinage). Mais, si l'ennemi attaquer, bane musulmans zot libres pou riposter, sa étant ene réponse juste et équitable à l'agression. Si l'ennemi arrête la guerre, alors bane musulmans aussi bizin arrête la guerre et oublier le passé. Le combat bizin continuer aussi longtemps ki persécution durer et ki la liberté de la religion pas rétablie. Servi la force ou force dimounes pou accepter l'Islam li ene bien mauvais kitchose. Si bane *Kafiroun* (incroyants) pas servi la force et laisse la liberté de la religion continuer exister dans so coin ou chemin, alors bane musulmans bizin arrête combatte avec zot. Nous bizin seulement prend z'armes contre bane ki faire bane excès (dans zot conduite kot zot alle dépasse tout limites). Dès ki bane excès arrêter, le combat aussi bizin arrêter.

... ZISKA PERDI POINT?

Par la grâce d'Allah, Mardi le 8 Mars 2016, après Namaz Esha, mo fine recevoir plusieurs fois ene verset Quran comme révélation. Li ti pé vine avec ene telle force lors mo la lèvres et sa fine fer moi beaucoup réfléchi. Sa verset Quran/ révélation là c'est :

Jaaa-al Haqqu wa Zahaqal-Baatil Innal Baatila kaana Zahuuqa.

La vérité fine vini et fausseté fine tomber parski fausseté bizin tomber.

Le lendemain, 9 Mars 2016 mo recevoir ene call d'ene Ahmadi ki informe moi ki lors Youtube, Moubarak Boodhun fine traite moi ki mo « **ene dimoune malade mentale** ». Avant mo alle plus loin avec sa zaffaire là, pareil couma Quran et Hadiths enseigner, mo fine fer démarche auprès d'ene membre du Jamaat Ul Sahih Al Islam pour li alle faire recherche lors sa parole imbécile là, parski mo ti dans ene l'endroit kot mo ti ena pou fer ene travail important, et alors toute suite après avoir ki mo fine donne sa l'instruction là, mo recevoir ene révélation de mo Rab, mo Allah (swt) ki informe moi :

Unzur Kayfa zarabun lakal amsaala fa-zallun.

Guette ki qualité l'exemple zot donné pour toi. Zot fine égaré.

Kan mo fine rentre kot moi le soir, mo fine guette sa personnellement lors Youtube. Au fait sa fine déroulé pendant ene rencontre ki bane Salafiyyah fine ena avec bane Ahmadi, et c'est bane Salafiyyah ki fine posté tous bane Questions-Réponses et par la suite débats lors zot Chaîne Youtube. La honte sa pour ene Jamaat Ahmadiyya ! En l'année 2011, juste avant Ramadhan, zot fine ena trois rencontres et débats avec bane Salafiyyah, dans Port-Louis (Plaine Verte) et ensuite Quatre-Bornes dans Pavillon. Al-Salafiyyah ti représenter par Shabbir Chowtee et Jamaat Ahmadiyya ti représenter par Moubarak Boodhun.

Moubarak Boodhun so premier question ti lors, ki sanlà ene musulman d'après Quran, Hadiths, et principalement d'après Quran et comme défini par Hazrat Muhammad (saws). Deuxième question – dans tour de Mons. Shabbir – ki demande Moubarak Boodhun, bé après Hazrat Muhammad (saws) jusqu'à Hazrat Mirza Ghulam Ahmad (as), bé commié prophète fine ena ? Et ainsi de suite, sakaine fine mette de l'avant so argument – en tous les cas pas fine bien présente bane arguments couma bizin – jusqu'à arrive ene point avant conclusion de zot rencontre kot Mons. Shabbir demande Moubarak Boodhun ki après Mirza Ghulam Ahmad (as), Muhyiuddin Munir Ahmad Azim pé déclare prophète, bé ki ou point de vue, et alors Moubarak avec tous so l'arrogance, vantard ki li été, li dire : Li (c'est-à-dire, en référence à moi) péna nannié à faire avec le Jamaat (Jamaat Ahmadiyya), ki fine mette moi dehors dans le Jamaat, et alors Mons. Shabbir révine lors so question avec insistance vers sa arrogant et vantard là, pou faire li avouer si pas ena vraiment prophète ki pou vini après Mirza Ghulam Ahmad (as) ou pas ?

Mons. Shabbir fine bien persister lors sa point là, et alors Moubarak Boodhun Gaga, pas conné si pas li pou dire oui, ena prophète pou vini ou sois pas. Alors au commencement, li dire péna prophète pou vini, et ensuite li rétracter lors so parole et li avoué ki possibilité là exister ki pou ena prophètes ki pou vini après Hazrat Mirza Ghulam Ahmad (as). Li dire : **« Non péna ... (réflexion) ... Possibilité exister mais selman mo pas fine trouver. »** Mons. Shabbir dire li : **« Si li (sa prophète là) vini et zot pas amène Imaan lors li, zot ene Kafir sa veut dire ? »**. Li préciser, et li dire Moubarak : **« Si vraiment Muhyiuddin Munir Ahmad Azim (mo fine guetter so photo lors Internet) ; mais si li ene VRAI prophète, ou ene Kafir ? »** Moubarak réponde : **« Pas zis moi, nous tous ! »** Alors Mons. Shabbir dire Moubarak ki li avant même li (Shabbir) ene Kafir à cause li pas fine croire dans Hazrat Mirza Ghulam Ahmad (as). La question li pas là, et li ti envie ki Moubarak réponde li so question si pas, si vraiment mo (Munir Ahmad Azim) ene VRAI prophète, alors lors sa base là, Moubarak Boodhun et bane Ahmadis vine bane *Kafiroun* ? Et alors Moubarak avoué : **« Nous tous... »** (kot li avoué ki zot pou être qualifié comme bane *Kafiroun*) et ensuite li alle faire ene gaffe terrible kot li alle dire : **« ... mais nous pas croire ki li (Munir Azim) ene prophète parski li ene dimoune malade mentale. »** Bel défenseur du Jamaat Ahmadiyya li fine rode déclarer, sa imbécile là, kot dans li rode craze moi, li donne Mons. Shabbir ene l'occasion en or pour dire **« Mirza Ghulam Ahmad aussi pareil ! »** ; en d'autres mots (*Anawzobillah min Zaalik*) ki Hazrat Mirza Ghulam Ahmad (as) aussi ene dimoune malade mentale ! Li fine fer ene bouffon avec Moubarak Boodhun lors sa sujet là ! Et en plus de sa, Moubarak Boodhun rode termine discussion là vite, au lieu fini midi, fini 11.30am.

Au cours de zot rencontre, Mons. Shabbir ti aussi pose Moubarak Boodhun sa question là, ki li penser lor li (Mons. Shabbir), si pas li ene Kafir, surtout après le fait ki Mons. Shabbir fine proclamé haut et fort ki li pas croire di tout dans Hazrat Mirza Ghulam Ahmad (as). Alors li demande Moubarak si pas, basant lors Quran et Hadiths, eski li (Mons. Shabbir) ene Kafir ? Alors Moubarak dire « Oui » li ene Kafir. Moubarak Boodhun dire ki li ene Kafir d'après point de

vue Jamaat Ahmadiyya et alors Shabbir coince li lors, eski li (Mons. Shabbir) bizin suivre décision Ahmadi ou soit décision Allah (swt) ?

Alors sa ene ti résumé ki mo fine mette devant zot azordi de saki fine passé entre bane Ahmadi et bane Salafi. Sa bane qualité dimoune là ki pé prend zot grand péto, grand défenseur Jamaat Ahmadiyya. Sa bane là ki vine juge la foi dimoune et consulté dimoune ki sanlà malade mentale ou pas. Azordi jour, kot bane Ahmadi ti bizin faire progrès, zot pé régresser dans la honte, surtout kan zot fine arrête pratique saki zot pé prêcher. Zot dire la porte prophète encore grand ouvert, mais kan Allah fer faveur lors zot, et lors tout l'Oumma de Hazrat Muhammad (saws), zot tourne les dos, et pareil couma bane les autres musulmans ti pé bouffonne Hazrat Massih Maoud Mirza Ghulam Ahmad (as), pareil couma bane les autres la religions ti pé bouffonne nous bien-aimé Nabi Kareem Hazrat Muhammad (saws), alors azordi jours fine arrive zot tour, kan Allah fer faveur prophète (dans Oummaté Muhammadiyya et particulièrement dans Jamaat de Hazrat Massih Maoud (as)) lors zot, ki zot fer, zot répète même erreur ki zot bane prédécesseurs – bane l'ennemis de bane choisi d'Allah – fine faire.

La honte sa pour le Jamaat Ahmadiyya, zot rencontre bane Salafiyyah et zot débat ki zot ti prévoir pour le 17 Juillet 2011, et kot finalement fine faire sa le 24 Juillet 2011 à Pavillon. Bel bel caméra fine amener avec 3-4 cameramen et photographe et pou discute lors le sujet de « **Khataman-Nabiyyine** ». L'accord ki ti prévoir avec bane Salafiyyah ti supposé 4 heures temps de débat et terminer avec Mubahila kot tous les deux parties ti d'accord, mais après Jamaat Ahmadiyya réduire sa à 3 heures temps et renonce à faire Mubahila. Bel bel décision li prend sa so-called défenseur Ahmadiyyat là ; li envie casse grand paké. Li pensé ki li Secrétaire Tabligh central. Li avec so Imaam ki li fine amener pou réponde lors « **Khataman-Nabiyyine** » pé sauvé lors là et nek pé alle lors sujet de la mort de Hazrat Issa (as).

Zot fine coince zot par zot-même ki Hazrat Muhammad (saws) li Khataman Nabiyyine, le Sceau de bane prophètes jusqu'à Qayamat, mais kan arrive lors sujet de Hazrat Mirza Ghulam Ahmad (as), pour zot, le Messie Promis Hazrat Mirza Ghulam Ahmad (as) li-même dernier prophète, kot après li pas pou capave ena bane les autres prophètes ki vini. Bé alors, kifer ou pé alle débattre lors Khataman Nabiyyine ? Zot pas vaut pour discute lors sa sujet là. Zot fine cachiette sa tous sa l'années là. Mo pas prend sa comme ene coïncidence, parski c'est maintenant ki zot l'heure fine sonner, surtout pou sa Moubarak Boodhun là, après 5 ans kot sa voile là enlever et mo apprane saki li fine dire lors moi. Alors so l'heure fine sonner ; so tour fine arriver pou Allah attrape li bien même. Mo bizin dire ki après 5 ans ki azordi bane Ahmadis à travers sa Khutba là zot pou conne ki kalité zot fine fail dans zot bane débat, et s'il vous plait sans oublier fané ki zot fine fané tout récemment aussi dans zot bane sessions Questions et Réponses avec bane étrangers dans Rose-Hill et Quatre-Bornes, le 19 et 26 Février 2016 respectivement. Réponses zot na pas ena, zot pé alle hors sujet, alors kifer ou invite bane dimoune pou humilier le Jamaat de Hazrat Massih Maoud (as) encore plisse, kan zot même na pas bon, kan zot pas conne réponde questions !!! La honte sa !

Et kan à débat ki bane Salafiyah fine ena avec le Jamaat Ahmadiyya, si bane Salafiyah pas ti mette sa lors zot Chaîne Youtube, kot nous ti pou alle conner ki kalité Basharat Naveed fine fané dans débat à Pavillon ? Ki kalité Monsieur l'arrogant, vantard Moubarak Boodhun fine fané kan pé réponne questions, kot pas pé conner même ki pou dire, perdi point, dire bane réponses imbéciles. Dans sa Khutba Jummah là, mo dire Moubarak Boodhun ki fine traite moi ene dimoune malade mentale, ki li vine de l'avant et li prouve sa. Sa zaffaire là pas pou fini coumsa même. Toi Moubarak Boodhun, fine fini enregistrer saki to fine dire lors moi lors Youtube ; to bizin présente devant le monde, devant tous dimounes ki mo ene dimoune malade mentale, montrer mo dossier l'hôpital Brown Sequard Beau-Bassin, et aussi l'ordonnance médecine ki mo prend et noms bane docteurs ki fine certifier moi couma to fine dire ki mo malade mentale.

Sa boute rabasser ki to fine rabasser là fine pollué l'océan nette ; to pou bizin réponne devant la cour d'Allah et aussi dans la cour mondaine aussi. Bane Bariques vide ki faire tapaze seulement ; mette bel pano lors bane Masjeed, soi-disant zot motto c'est : « **Love for All, Hatred for None** ». Zot tous les contraire. Pas mal de Khutba mo fine fer pour montrer zot vrai visage et la haine. Moubarak Boodhun fine faire bane Salafiyah conné ki tous les temps zot (bane Ahmadis) fine être bane victimes, comme-ci dirai faire dominère avec zot. Mais bane mauvais imbécile, zot fine faire *zuloom* avec moi lors mo temps service ki mo fine travail pour Jamaat Ahmadiyya. Zot pas fine paye moi et li ena toupé traite moi comme ene dimoune malade mentale ; kan c'est sa même dimoune là zot fine envoye li lors bane l'îles – La Réunion, Mayotte, Seychelles et Rodrigues – pour établir le Jamaat Ahmadiyya. L'heure là mo pas ti malade !!! Kot zot bane missionnaires pakistanais et mauriciens ki mentalement bon ti été sa l'époque là ? Lors bane l'île zot cause menti à propos de moi avec bane dimounes ki ti accepter le Jamaat à travers moi. Zot dire sa bane dimounes là ki fine mette Munir Azim dehors seulement à cause li fine rêvé! En plus de sa, sa fer 15 ans kot zot pas fine donne moi mo l'argent ki mo fine travail tous sa bane l'années là. La honte sa !

Azordi ou trouve bane bouffon couma Moubarak Boodhun cause bane imbécillité lors moi. Li penser ki kan li ena bel poste dans ministère, alors li monsieur conne tout, bel péto ! Mo fine trouve sa bane ki prend zot coumabel péto là couma fine fanna finna. Astère mo dire toi compte pour toi aussi. Par force to pou bizin prouve sa causer de dimoune malade mentale là ki to fine dire là, à Maurice et à travers le monde entier aussi, pareil couma to Mullah Basharat Naveed pou bizin réponne lors saki li ti dire concernant la chair et disang cochon.

Mo bane frères et sœurs, mo pou bizin arrête là-même, le Khutba Jummah pé vine trop longue. *Insha-Allah*, mo pou ré-vine lors là aussi lors Internet et Youtube bien en détaille et entre temps mo espérer ki Moubarak Boodhun pour montrer tous documents et certificats ki mo ene dimoune malade mentalement lors Youtube etc.

Ki Allah garde nous tous les temps lors *Seeratwal Mustaqeem* (le droit chemin). *Ameen*.